

Leej txiv hlub tej tubki npaum li cas, tus TSWV hlub tus uas ua rau nws tau ntsejmuag ib yam nkaus li ntawd.

**Tus TSWV yeej paub zoo lawm hais tias, nws tsim peb los li cas, thiab nws yeej nco ntsoov hais tias, peb yog hmoov av xwb.**

Peb txojhia zoo yam nkaus li tej nrojtsuag, peb loj hlob mosnyoos yam li tej paj nroj.

**Thaum cua nplawm tej paj ntawd zeeg poob lawm, thiab tsis muaj leejtwg rov pom dua.**

Tiamsis tus TSWV hlub cov neeg uas hwm nws mus ib txhiab ib txhis, thiab nws muaj siab dawb, siab zoo pab rawv txhua tiam neeg.

**Tsis hais cov neeg uas koj raws li nws tej lus cog tseg los yog, cov neeg uas ua raws nraim li nws tej lus samhwm kawg siab kawg ntsws los yog.**

Tus TSWV, nws teeb nws lub rooj zaum rau saumntuj Ceebtsheej, nws yog tus vajntxwv uas kav ib puas tsav yam huv tibi.

**Cov tubtxib saumntuj es, nej cov uas muaj dag muaj zog, thiab muaj hwjchim, nej cov uas ua raws li tus Tswv tej lus samhwm thiab nloog tej lus nws hais, nej cia li qhuas tus TSWV mog.**

Txhua yam tsav uas muaj hwjchim nyob saumntuj Ceebtsheej es, nej yeej yog nws cov tubtxib uas ua haum nws siab. Nej cia li qhuas tus TSWV mog.

**Txhua txhia yam uas tus TSWV tsim los nyob txhua qhovchaw uas tus TSWV kav tagrho huv tibi es, cia li qhuas tus TSWV. Kuv lub siab es, koj cia li qhuas tus TSWV. (Nkauj Qhuas Vajtswv:103)**

## 356

### UA VAJTSWV TSAUG VIM DIM KEV TUAG

Kuv muab siab npuab Vajtswv rau qhov nws nloog kuv lub suab hais, nws nloog kuv tej lus thov.

**Txhua txhia zaus uas kuv tsa ncauj thov nws, nws nloog kuv tej lus thov.**

Kev ploj, kev tuag tos rawv puagncig kuv, kuv lwjsiab ntsuav thaum kuv xav txog lub qhovtuag, kuv ntshai rwg thiab nyob nluaslob tu siab kawg.

**Thaum ntawd kuv thiaj li tsa ncauj thov tus TSWV hais tias, tus TSWV es, thov koj cawm kom kuv dim kev puasntsoog lauj.**

Tus TSWV muaj siab dawb, siab zoo, peb tus Vajtswv yog tus uas hlub kawg nkaus.

**Tus TSWV thaiv ntis tej neeg uas tsis muaj chaw yuav vamkhom leejtwg. Thaum kuv poob tsam txomnyem ntsuav, nws cawm kiag kom kuv dim.**